



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

I. De appellatione sancti Ioannis Chrysostomi Episcopi Constantinopolitani.  
Eam non judicavit Summus Pontifex, ut vulgò existimat.

**urn:nbn:de:hbz:466:1-15617**

judicium. Quare necessaria fuit auctoritas Imperatoris, non solum pro juvanda executione decreti pontificij, sed etiam ut jure à prædecessoribus suis ad se transmissio propria auctoritate decerneret. Quoniam tamen, ut dixi, restitutio illa nihil detrimenti afferebat questioni principali, Concilium in actione octava retractans causam Theodoreti, ab eo exegit ut conceptis verbis anathema diceret Nestorij & Eutycheti. Ac res eò processit ut parum absuerit quin is cum ignominia & dedecore pelleretur à synodo, eòquod cùm desideriis patrum statim satisfacere debuisset, dammando apertè & uno verbo hæresim Nestorij, orationem orfus est ut fidem suam explicaret. Post emissam itaque à Theodoreto fidei professionem, Pachasinus Leonis Papæ Legatus dixit: *Hoc iudicio sanctissima & venerandissima synodus, insuper vero & nostra humilitas, reddi ei Ecclesiastiam propriam definivit; ea tamen conditione, si in fide constans esset, quod omnium Episcoporum suffragiis comprobatum est, & imperiali auctoritate confirmatum à judicibus: Gloriosissimi Indices dixerunt: Secundum decretum sancti Concilii Theodoretus sanctissimus Episcopus Ecclesiam civitatis Cyri recipiat. Mentionem autem hoc loco faciunt decreti Concilij, quod definitivum erat.*

V. Quare Leo ipse, tametsi scribat primam causâ Theodoreti cognitionem ad se pertinere, agnoscit ramen definitivum decretu[m] debere fieri in synodo. Hæc sunt ejus verba in epistola L X I I I . ad Theodoretum, in qua agit de restitutione ejus: *Gloriamur in Domino --- qui nullum nos in fratribus detrimentum habere permisit, sed que nostro prius ministerio definierat, universæ fraternitatis irretractabili firmavit assensu, ut verè à se prodigi se ostenderet quod prius à prima omnium sede formatum, totius Christiani orbis iudicium receperisset, ut in hoc quoque capiti membra concordent.*

V I. Sed hoc loco observandum est Theodoretum, qui Romanum Episcopum appellaverat, cupientem patrocinari huic sedi quæ restitutionem suam procuraverat, collectioni canonum à se adornatae inferuisse xxI. canones Sardenses. Extat enim in Bibliotheca regia vetus codex MS. Theodoreti nomine insignitus, quo canonum collectio continetur in quinquaginta Titulos distributa. Constat autem ex canonibus Nicænis, Ancyranis, Neocæsariensis, Sardensis, Constantinopolitanis, Ephesini, & xxvI. Chalcedonibus; praeter canones Basilij & lxxxv. apostolicos. In calce hujus collectionis extat collatio Novellarum Iustiniani, quam Ioannes Scho-

Vide lib. 3. cap. 1.  
§. 2.

laticus Patriarcha Constantinopolitanus elaboravit. Sed collectio illa cùm privato Theodoreti usui concinnata esset, confirmata non fuit à Concilio Chalcedonensi. Certum quidem est Concilium illud in canone primo tribuisse auctoritatem eidam canonicum collectioni, ex qua nonnulli canones laudantur in actis Concilij. Verùm ea non complectebatur canones Sardenses; ut constat ex collectione Latina Dionysij Exigu, que nihil aliud est quam versio Græca collectionis à Concilio Chalcedonensi approbatæ, quemadmodum observavimus in capite quinto hujus libri.

### C A P V T I X.

#### Synopsis.

I. De appellatione sancti Ioannis Chrysostomi Episcopi Constantinopolitani. Eam non iudicavit Summus Pontifex, ut vulgo existimat.

II. Chrysostomus vocatus in jus à Theophilo Episcopo Alexandrino, cum recusavit. Tum provocavit ad Concilium Oecumenicum. Fatione quorundam Episcoporum repellitur ab Arcadio Imperatore, qui primam sententiam jubet mandari executioni. De hoc agendi modo expofitulat Chrysostomus apud Innocentium Papam, Venerium Episcopum Mediolanensem, & Chromatum Aquileensem. Eum in communionem suam recipit Innocentius. Tum ad extingendum hoc malum necessariam esse ait univeralem synodum, que coacta non est. Tum solita communio Ecclesiæ.

III. Itaque Chrysostomi appellatione interposta fuit ad Concilium Oecumenicum; & suscepit ab Imperatore, à Summo Pontifice, & ab Episcopis Italij. Censuit Innocentius Papa appellationem & cetera quæ interim contigerunt suspendisse effectum iudicij lati adversus Chrysostomum. Implicata est haec causa ob precipitem damnationem Chrysostomi factam ante responsionem Episcoporum occidentalium.

IV. Schisma duravit donec orientales Chrysostomi nomen reponerunt in dipycis Ecclesiæ. Explicans Damasi locus, qui ait sedem apostolicam, etiam solam, absolvisse Chrysostomum. Tum vulgata persuasio destruitur.

I. **E**XEMPLA appellationum suprà al-lata pertinent ad depositiones ob causam fidei decretas. Sed prætermittendum non est exemplum valde illustre, quod ad solam disciplinam pertinet, editum in magno viro ac sanctissimo Ioanne Chrysostomo Episcopo Constantinopolitano. Vulgo scribitur appellatum ab eo fuisse Innocentium primum Pontificem Romanum, hunc verò cassasse iudicium à synodo orientali latum adversus Chrysostomum. Sed si negotium istud penitus introspectiatur, constabit eam in hac causa fuisse Romani Pontificis auctoritatem, ut egressa non fue-

xit modum qui per illas tempestates illi prescripus erat, sed auctoritatem illum suam totam integrum retinuisse; non ita tamen ut appellationem judicaverit tanquam devolutam ad apostolicant sedem, ut vulgo existimant.

Vide supra cap. 2.  
S. II.

II. Dicta Chrysostomo dies est à Theophilo Episcopo Alexandrino & triginta Episcopis Ägyptiacis, à quibus vocatus est in ius apud iuburbi quoddam urbis Chalcedonensis. Chrysostomus Theophilum recusavit, ob inimicitias capitales; & judicari se ab eo non posse pronuntiavit, quod judex esset incompetens. Præceperat enim canon secundus synodi Oecumenica secunda ne Ägyptij Episcopi judicent Thracicos, in quibus erat Constantinopolitanus. Tum provocavit ad Concilium Oecumenicum, expurgaturum asseverans si notitiam criminum & copiam diluendi haberet. At illi, nulla habita ratione appellationis, sententiam depositionis in eum tulerunt. Dein ab Imperatore Arcadio pellitur, sed biduo post revocatur. In Ecclesiam autem regreditur majori Episcoporum numero stipatus quam essent illi à quibus fuerat condemnatus. Veretur vero celebrationem Concilij, appellationi sua insistens; que suscipitur ab Imperatore, à quo literæ exequunt pro convocatione Concilij. Interim turbulenti aliquot Episcopi, quibus gratia Imperatricis Eudoxiae præstò erat, pronuntiant restitu non posse Chrysostomum adversus primam depositionem, quod in Ecclesiam regressus foret in expectata sententia majoris synodi, contempto videlicet canone duodecimo Antiocheno, cui pravam omnino interpretationem adhibent. Dein ab Arcadio Imperatore obtinent ut prima sententia custodatur, & publica auctoritate mandetur executioni. De hoc agendi modo expostrulat Chrysostomus apud Innocentium Papam, Venerium Episcopum Mediolanensem, & Chromatium Aquileiensem; ut scribit Palladius in vita Chrysostomi. Extat autem ejus epistola ad Innocentium: qua Pontificem rogat ut insuperhabito judicio illo, quod omni ex parte irritum est, eum conservet in communione sua & Episcoporum occidentalium, scribāque in orientem hæc iniquè facta non habere robur, sicut neque ex sua natura habent. At Pontifex Chrysostomum recipit in suam communionem. In epistola vero ad clerum & populum Ecclesiæ Constantinopolitanæ data ait indignum & intolerabile prorsus videri facinus illud, dejectum per vim Episcopum, non servato judicij specimine, & adversus canones. Addit, ad sopiaendos talium procellarum mo-

tus necessarium sibi videri ut universalis syndodus congregetur, quam dudum etiam cogendam esse censuerat. Eam ob rem Honorius Imperator Occidentis fratrem suum Arcadium orat ut orientales Episcopos congregari jubeat apud Thessalonicanam, quæ Occidentis urbs erat. Negat Arcadius. Tum occidentalium & orientalium Ecclesiarum communio solvit & dissociatur, quæ redintegrari non potest, nisi orientales in communionem suam recipient memoriana sancti Ioannis Chrysostomi, qui interim obiecat in exilio.

III. Ex hac narratione colligitur, non quidem Chrysostomum provocasse ad summum Pontificem, aut appellationem ejus à Papa judicata fuisse, sed appellationem ab eo interpositam ad Concilium Oecumenicum, suscepit esse ab Imperatore pro more illius seculi, ei porro appellationi consensisse Papam & Episcopos Italos, qui cura sua id deinceps apud Imperatores ut Concilium convocaretur. Sed non eo loci subtilitatem Innocentius. Censuit enim cum Episcopis Italies appellationem interpositam ante depositionem, ac postea renovatam, & manifestas judicij hujus nullitates, judicij effectum suspendisse; communionemque suam habtraxit orientalibus, donec illi sententiae sua accederent. Congruit aliquatenus ea historia cum causa Athanasij, imo validior est causa Chrysostomi, ex eo capite, quod appellatio ejus ad futurum Concilium suscepit sit ab Imperatore & à Pontifice Romano. Rursum altera quoque nullitas proferebatur adversus secundam depositionem, quæ occidentalium animos irritavit, qui contumeliam hinc sibi irrogari censuerunt. Theophilus eum Episcopus Alexandrinus & Ioannes Chrysostomus Legatos suos miserunt ad Episcopos Roma & Italiae, ut communi sensu huic perturbationi remedium adhiberi posset. Et tamen in expectata responsione Episcoporum occidentalium, qui ab utraque parte per Legatos consulti fuerant, præcipitatum in Oriente fuit Chrysostomi judicium, post quod pulsus est in exilium. Interim synodus Episcoporum Romæ & Italiae censuit terminandas esse controversias illas in Concilio generali, nullam verò partium abstinentiam esse à communione ante judicium ejusdem Concilij. Isthæc quidem docet Palladius. Sed præterea extat Honorij Augusti epistola ad Arcadium fratrem, quæ idipsum docet; cujus verba magni momenti sunt. Sic autem habet: Erat inter Episcopos causa que collato tractatōque consilio debet absolvī. Misso ad sacerdotes urbis eterna atque Italia utraque

Epist. Ioannis  
Chrys. ad Innoc.  
& epist. Innoc. ad  
clerum C.P.

Sigmenta.